

紀事誌八卷

古國必有史以紀時政率皆經邦大訓云爾乃慶祥  
災異雖微必書何哉天人一理也萬物一氣也人事  
感於下天道應於上洪範庶徵詳言之矣商雖叢爾  
一邑亦天下之積也一邑乖和則天下失平矧夫盜  
賊饑饉邦本所關尤切重焉因表紀事第八

祥瑞

漢武帝時有鳳止於城內十字街因名鳳凰臺

明

商水縣誌

八卷

天啓二年麥秀兩岐穀多三穗是年大有

災變

明

正德六年劉六劉七餘黨趙燧邢老虎攻打商水城  
陷知縣劉漢全家殉節賊感漢義釋而禮之倉庫無  
失事聞嘉獎

萬曆二十一年四月初旬霪雨抵八月方止四野瀰  
漫室廬頽圮夏麥飄沒秋種不得播百姓嗷嗷始  
析食魚鰕繼則餐樹皮草根後乃同類相食餓殍

三萬兩賑濟民賴以全活

萬曆三十二年霖雨暴降麥禾傷甚災亦如之  
天啓七年二月雨水野禽羽凍民競取之

崇禎四年四月大白經天

崇禎五年五月霪雨至八月止河水泛溢舟航遍地  
廬舍傾頽壓斃男女無數民始饑

崇禎六年沙鷄來形似鳩而猶蹄不能樹棲群飛有  
聲民間爭以火照取而食之

商水縣誌

八卷

二

崇禎七年流賊渡河八月至商水北蔡寺地方殺人  
甚衆

崇禎九年流賊至商水周家口趙老人集殺擄無數  
崇禎十年蝗 十一年蝗 十二年蝗

崇禎十三年大饑群盜蜂起一條龍袁老山小袁營  
千金劉皆統眾數十萬到處焚殺百姓壯者皆斃  
賊去其餘老弱相食其有父子兄弟夫婦自相啖  
者冬大雪路絕行人鐵門堅閉四關皆食人之藪  
也

十四年春大疫抵秋方止死者無數初猶棺殮繼貫薄掩後則闔門皆死竟無一人能殮者至六月間街少人跡但聞繩聲薨薨而已十月初四日夜闖賊自項抵商欲縱城守者覺之而去初五日遂設攻具薄城知縣姚文衡教諭王應登督領鄉官張質等國學生傅嘉言高思忠等與鄉民百方固守城上立雲樓以砲擊之城下率義勇時砍其營凡三晝夜賊勢益盛攻打益急矢石俱盡救援無恃力弗支也初七日蚤賊以砲擊破東門甕成

商水縣誌

八卷

三

衆始喪氣文衡投井而死應登自縊質與嘉言思忠皆被執不屈而死生員李之萼及鄉民死義者甚衆殺死男女數萬屍骸枕集血流成渠

順治二年豫王南征四月二十四日固山土兵至沙河黃家灘扎營僞官王仁宇潛逃士民投誠始隸王籍

順治三年正月雨雪震電

順治九年二月十五日地震

順治十四年沙河決秋水皆隲沒

順治十五年夏沙河決二麥湮沒至秋霪雨沙河復  
決四野瀰漫濁浪排空環城圍繞非舟楫莫行也  
順治十六年夏沙河決麥秋湮沒九月二十一日午  
天鼓鳴于東南

商水縣誌八卷終

商水縣誌

八卷

四

